

皇朝實錄

四十  
七冊

大清世祖體天隆運英睿欽文大德弘功至仁純孝  
章皇帝實錄卷之八十九

順治十二年二月丙辰朔

命大學士額色黑金之俊侍郎恩國恭學士胡兆  
龍克會試主考官

丁巳

命大學士額色黑祭

先師孔子 諭吏部曰朕觀刑部尚書任濟年力  
衰邁部務不能料理每以因循耽延歲月念其服  
官日久著以原官致仕回籍員缺作速會推才品

堪任的來奏 諭刑部曰近觀爾部凡事延緩不能速竣惟以優游因循時日果係轉行督撫者或須少待至於在京諸事不行旦夕斷決有何所需以致淹滯必係中有情弊故爾瞻顧不竣自今以後當痛改前轍凡遇事務隨至隨結如仍舊任意遲悞決不輕饒 陸內秘書院檢討楊運昌為內翰林國史院侍講學士

戊子

卯刺日生暈青黃色 祭

大社

大稷遣內大臣公額爾克代青行礼 諭兵部曰前以湖南寇氛未靖殃及生民曾有旨增遣滿兵携家口駐防武昌念今大兵所過沿途水陸居民及驛遞必至騷擾所駐之地又須撥給房屋田土其為民累更有不可勝言者朕寔憫之聞立省經畧輔臣洪承疇在彼操練軍兵脩整器械軍威殊壯招徠抚戢民情悅安其停止携帶家口駐防前所遣兵照常更換至于增設甲兵繕治軍器俱遵定例行爾部速行傳知 必保大學士党崇雅引年乞休



上曰卿清勤練達佐理著勞覽奏情詞真切特允所請著加太保兼太子太傅馳驛回籍休息願養以昭朕優眷至意 轉工部尚書刘昌為刑部尚書 陞刑部左侍郎李際期為工部尚書

己未

命大學士車克學士麻勒吉傳諭主考官胡兆龍曰會試大典關係人才以尔乃親近儒臣特遣主試尔當克殫敬慎以稱委任至意不得少有忽略致負朕懷尔其欽哉

庚申

諭吏部曰大學士馮銓成克鞏呂宮前因郝浴一事或降三級或降二級今念其降處之後勤慎有加辦事無悞况恩詔又有寬宥之條著各復原品以激頌益加殫心以圖報効毋負朕赦過任用至意 宗人府府丞原毓宗請復御史巡方和碩鄭親王濟爾哈朗等會議請令吏部都察院會同考選各部院理事官郎中以下才能品優者差遣巡歷回京之日聽都察院考核稱職者陞用溺職者以重罪懲之報可 固山貝子薩弼覺謚懷愍

辛酉



諭吏部曰臣忠奉上恒猶朕以宣猷國典酬庸必  
因勞而晉秩太子太保設政大臣巴哈等左右朕  
躬恪勤朕掌股肱竭力各矢勵翼之忱密勿抒誠  
共效贊襄之並耳加息罷用示優隆巴哈篇右寧  
完我額色黑車克巴哈納即丘俱加少保兼太子  
太保韓岱哈石通圖海成克畢赫德博以漸呂宮  
俱加太子太保各照舊辦事 戶科都給事中朱  
之弼言國家之事全在六部今日諸臣所言之利  
弊皆六部平日所當興革之利弊也六部自廢其  
職掌而令言官言之又不能寔行其所言雖紛

何益也國家章程粲然備具六部之事各有成書  
倘部臣寔心任事其朕掌內當興之利當革之弊  
自知之而自興之革之言官不過拾遺補闕而已  
六部之事言官不勝言且未有朕掌內明、當行  
之事必待人言而後行况言之而又護短匿非不  
肯盡行者乎今日之病在六部六部之病在尚書  
尚書之病在推諉推諉之病在

皇上不擇人不以任不責成效不定賞罰即使任事  
之人視國家如家事猶恐廢弛今則盡若事外之  
人疑事畏事之念多任勞任怨之意必有才者不

肯決無才者不能決事稍重大則請會議不則遷延日月諉之行查而已不則卸擔于人所督撫奏奏而已不則畏首畏尾聽科道指名而已不則苟且塞責無容再訖而已上下推諉以為固然曾有擔大事發正言以當寔濟者乎伏祈

皇上面召諸臣親試才品因能授任再考其歷事之後興利幾何除弊幾何視成效多少以定功罪行賞罰法在必行無少姑息如此則人知勸懲而樂于任事矣疏入得旨這本說六部推諉不肯寔心任事以後務要從新整頓不得仍前怠忽

壬戌

大學士呂宮引疾三疏請告命以太子太保新銜解任調理病痊候旨召用仍賜衣服鞍馬令馳驛回籍以拜他喇布勒哈番喇馨為兵部理事官

和碩鄭親王濟爾哈朗上言

太祖武皇帝開創之初日與四大貝勒五大臣及衆台吉等討論政務之得失諮訪兵民之疾苦使上下交孚鮮有壅蔽故能上合天心下洽民志掃靖群雄肇興大業

太宗文皇帝續承大統紹述前猷亦時與諸王貝勒



大臣講論不輟且崇獎忠直鼓勵英杰錄微功棄  
小過凡下詔布令必先講求其可以順民心重久  
遠者然後施行又慮武備廢弛不忘騎射時  
駕出較獵諸王貝勒置酒燕會優人演劇為樂

太宗皇帝還自獵次克勤郡王以聞

太宗皇帝勃然怒曰我國肇興治弓矢繕甲兵視將  
士若赤子故人爭効死每戰必克以成大業朕常  
恐後世子孫棄我國淳厚之風沿習漢俗即于帽  
淫令女寺為此荒樂欲求國家興隆其可得乎遣  
伯索尼再三宣諭今

皇上詔大小臣工盡言無隱誠欲立綱陳紀綿國祚  
於無疆也臣以為平治天下莫要於信詔令順民  
心前降諭軫恤滿洲官兵疾苦聞者無不惟忭嗣  
又派令脩造乾清宮詔令不信何以使軍民服從  
伏祈

皇上效法

太祖

太宗不時與內外大臣詳究政務得失凡事必預為  
商確然後頒之詔令庶幾見諸施行法行令信可  
以紹

二聖之體烈矣抑臣更有請者垂休典謨光昭令德  
莫要於設立史官

皇上統一中原事以堯舜為法但起居注官尚未  
設立古之聖帝明王進君子退小人順天心合民  
志措天下於太平垂鴻名于萬世良於史臣有類  
今宜倣古制特設記注官置之左右凡

皇上嘉言善行一一記載于以垂憲萬世傳之無窮  
亦治道之一助也

上嘉其言

癸亥

皇太后聖壽節免行慶賀禮 免直隸成安東明長

垣懷柔大城文安等縣十一年分水災額賦

甲子

遣官祭

三皇 以正黃旗滿洲固山阿達哈、番圖爾伯神

巴爾魯為甲喇章京 戶部右侍郎郝傑引疾請

假允之

乙丑

己刻日生暈青赤黃色 大學士管吏部尚書事  
劉正宗引疾乞休溫旨慰留之



丁卯

內翰林國史院侍讀黃機言自古仁聖之君必祖述前橫以昭一代文明之治年來纂修

太祖

太宗實錄告成伏乞

皇上特命諸臣細加考訂凡所載嘉言善政倣貞觀政要洪武賢訓諸書緝成治典恭候

皇上御定洪名頒行天下尤望

皇上朝夕省覽身體而力行之下所司議

昏刻月生暈

戊辰

朝日于東郊遣固山額真石廷柱行禮 尚書胡

世安引年乞休溫旨慰留之

己巳

諭戶部曰年來水滂頗仍軍民失所殊可憫念去歲

皇太后及朕發帑庫銀兩賑濟飢民但庫帑無多未及八旗今

皇太后發銀一萬兩朕發銀一萬兩中宮發銀一萬兩賑給八旗滿洲蒙古烏真超哈窮兵諸王群臣

有為國憂民願捐助者量輸送部多寡從其所便  
其捐助姓名及銀兩部詳開數目奏請散給  
免陝西平涼漢陰二縣十一年水電災傷額賦

庚午

轉刑部右侍郎戴明諛為本部左侍郎 陞太僕  
寺卿趙開心為戶部右侍郎通政使司通政使袁  
懋功為刑部右侍郎

辛未

以工部理事官路有良為都督僉事充鎮守山東  
臨清等處總兵官 復差御史巡理鹽政從科臣

張王治請也

壬申

贈湖廣殉難桂陽州知州吳廷詔為本省布政使  
司叅議廕一子入監讀書岳州府經歷左成名為  
本省慈利縣知縣衡州府知事馮世華為本省桂  
陽州判鄂縣典史王之臣為山東夏津縣主簿  
高都巡檢王浩為河南濟源縣主簿

癸酉

改四川建昌道副使馮士標為福建按察司副使  
巡海道湖廣靖州道副使李紳霄為本省按察司



副使清軍驛蓋道

甲戌

遣官祭

先農之神

乙亥

大學士馮銓以母憂乞守制

上以院務殷繁需人贊理令其私居持服仍入直辦

事 喀爾喀部落濟布孫丹霸庫爾克爾表請和

好進獻馬匹貂皮

丙子

冊封

皇弟博穆博和爾為和碩襄親王冊文曰我

太祖武皇帝肇造鴻功創業垂統以貽子孫

太宗文皇帝繼統混一蒙古朝鮮永附國漸大而業

日隆暨朕嗣服一統天下爰倣古制用展親之

誼博穆博爾和爾之乃

太宗文皇帝之子朕之弟也錫以金冊印封為和碩

襄親王 免山東濱州寧陽二十一州縣十一年

水災額賦

丁丑

遣官祭

歷代帝王 陸太常寺卿朱鼎延為通政司使通政使

戊寅

卯刻霧青白色 諭吏部曰弘文院大學士呂宮國史院大學士党崇雅員缺即會同九卿詹事科道寺官將品行清直學問淵博者推舉教員官來奏

巳卯

免江南滁和二州來安全椒含山等縣十一年水

旱災傷額賦

庚辰

以戶部尚書陳之遴為內翰林弘文院大學士戶部倉場侍郎王永吉為內翰林國史院大學士多羅貝勒杜爾祐薨謚愨厚

癸未

已刻日生暈黃白色 陞少詹事陳煥為本府詹事兼內翰林秘書院侍讀學士 靖南王耿繼茂平南王尚可喜奏報逆賊李定國自新會敗逃臣等遣梅勒章京畢力兔等追擊賊兵于興業縣境



敗之進追未至橫州江二十里擊定國步騎兵勦  
殺甚多獲其象二隻定國渡江引去遠遁南寧府  
粵東高雷廉等三府十八縣及粵西橫州等二州  
四縣悉平下部察議

甲申

清明節享

太廟遣固山額真阿爾津行禮 遣官祭

福陵

昭陵

四祖陵 輔國公海蘭卒諡懿厚

乙酉

遣山東道御史王秉乾巡視長盧監政河南道御  
史姜圖南巡視兩淮監政河南道御史祖建明巡  
視兩浙監政浙江道御史朱紱巡視河東監政  
陞山西太原營叅將周永祚為湖廣鎮筓副將江  
南溧陽營叅將馬信為浙江台州副將常州府叅  
將張思達為江西南贛右協副將



大清世祖體天隆運英睿欽文大德弘功至仁純孝  
章皇帝實錄卷之九十

順治十二年三月丙戌朔

喀爾喀部落丹津喇嘛車臣汗等貢駝馬方物宴  
賚如例

丁亥

日生暈 諭吏部寺衙門曰敕諭求言原因兵民  
疾苦積弊叢生內外大小諸臣必有嘉言良策可  
佐治平是以廣開言路用脩採擇浮泛雷同嚴行  
申誡近覽章奏求其整頓補救之方詳明切寔者



寥々無幾大率勦襲舊言虛應朕掌甚至私心報  
怨撓阻成法風影妄談揣摩生事既無關於政務  
又不益于兵民甚負朕虛懷求言至意自今以後  
凡有敷陳必寔切國家之大政確指兵民之利害  
方許進奏毋得浮泛雷同妄行瀆奏爾部即傳諭  
嚴飭行 大學士黨崇雅將回籍謁

上於南苑

上賜衣帽靴襪謂之曰卿今辭朕歸籍不能復見朕  
矣抵里後服朕賜衣即如見朕崇雅泣下對曰臣  
因年老不能効力於

皇上故辭

皇上而去念此衰朽餘生有何報効復蒙

皇上破格優待加以罷錫臣更何言但臣老矣生既  
不能前報惟嚙結

聖恩於地下耳

上命坐賜茶飯仍諭臨行時再來陛見

戊子

陞刑部左侍郎戴明說為戶部尚書 免湖廣石  
門縣十一年蝗災荒地額賦 初戶部右侍郎趙  
開心以飢民流離可憫請暫寬逃人以救民命報

曰逃人甚多緝獲甚少何策而令不累民又能速  
獲逃人合開心回奏至是疏言逃人者一定之  
法救流民者權宜之計聞近畿流民載道地方有  
司惧逃人法嚴不敢容留勢必聽其轉徙若將逃  
人解督捕衙門暫寬其隱匿之罪以免株連則有  
同樂于緝逃即流民亦樂于奉發而逃人無不獲  
矣得旨逃人之多因有窩逃之人故立法不得不  
嚴若隱匿自當治罪何謂株連趙開心兩經革職  
特与赦宥擢用不思寔心為國輒沽名市恩豈是  
大臣之用着降五級調用直隸山東河南總督

李蔭祖疏舉烈婦唐縣生員劉蕙妻李氏蕙病禱  
天願以身代比蕙歿誓死以從絕粒者數日竟自  
縊於柩前時年甫二十二歲請加旌表下所司議

庚寅

陞他赤哈、番曹邦為戶部啟心郎陝西、安  
府屬隕霜殺麥裁在冰文武各官脩署鋪墊執  
事等項銀兩十分之一着為例

壬辰

諭兵部曰朕承

皇天眷命統一寰區滿漢人民皆朕赤子如一父母



所生豈忍使之偏有苦樂近見諸臣條奏於逃人一事各執偏見未悉朕心但知漢人之苦不知滿人之苦在昔

太祖

太宗時滿兵征剿多有俘獲兼之土沃歲稔日用充饒今則飢饉連年征調四出月餉甚薄困苦多端向來血戰功勞所得人口供種地養馬諸役乃逃亡日衆十不獲一皆由奸民窩隱所致立法不得不嚴若謂法嚴則漢人若然法不嚴則窩者無忌逃者愈多驅使何人養生何賴滿人獨不苦乎

代帝王大率專治漢人朕兼治滿漢必使各得其所家給人足方愜朕懷往時寇陷京都漢官漢民何等楚毒滿兵入關立除大害今邊隅未盡之賊殘虐百姓亦藉滿兵剽蕩滿人既救漢人之難漢人當體滿人之心乃大臣不宣上意致小臣不知小臣不躰上心致百姓不知及奉諭條奏兵民疾苦反借端賣承外博愛民之名中無為國之寔若使法不嚴而人不逃豈不甚便爾等又无此策將任其逃而莫之禁乎朕雖涼德難幾上理然夙夜焦思不遑暇逸惟求惠養滿漢一躰沾恩以副

皇天降鑒

祖宗委託爾等諸臣當徧曉愚民咸知朕意方是實  
心報主毋得執迷不悛自干罪戾爾部即傳諭各  
官刊示中外以阿達哈、番博爾虎為刑部理  
事官以從征精奇尼哈番李太深為右都督充  
經畧左標提督總兵官左都督南一魁仍以原銜  
充經畧前標總兵官陞都督僉事胡茂禎為都督  
同知充經畧後標總兵官江西糧道周日宣坐  
漕船被盜焚劫降三級調用

癸巳

一寺精奇尼哈番許爾安言九經首重修身次尊  
賢即繼之曰親也敬大臣也如睿王以親論之  
則皇叔也以臣論之則貴戚之卿也以功論之則  
元勳也昔

太宗任之為心膂託之以大事未見其不忠也我  
皇上定鼎之後夾輔

天朝鞠躬盡瘁撫綏中外天與人歸亦未聞有不忠  
也廼身沒之日而群議蜂起嗟哉以

天潢懿親勤勞一生而竟泯沒於一旦也其何以  
慰



太宗在天之靈鼓勵大小臣工之心昔成王感風雷  
之變而啟金縢周公之心事始昭白于千古如睿  
王罪固難辭而功亦不可泯我

皇上以天地為心若宥其罪而錄其功篤親之誼  
隆敬大臣之典修其陵寢使睿王不終含冤于九  
京自公卿大臣及異域窮谷無不樂我

皇上覆載之寬也不唯可以慰天心且有以仰答

太宗託孤寄命之初懷矣疏入命議政王貝勒大臣  
會同斟酌密議具奏 裁浙江撥補都司一員定  
海衛臨山衛觀海衛盤石衛右中前後四所昌國

衛松門衛海門衛金鄉衛海寧衛中前後三所

以故一等阿思哈、番噶爾哈圖弟拜他喇布勒

哈番丹代襲職為三等精奇尼哈番三等精奇尼

哈番馬喇希子馬爾幹一等阿思哈、番兼一拖

沙喇哈番圖拜子阿南丹一等阿達哈、番兼一

拖沙喇哈番張泰子麟阿濟賴子海都一等阿達

哈、番張努叔之孫哈喇爾代布丹子蚌蘊里夸

占子喇占堂蘇蘭巴番魯子奇牙鈕二等阿達哈

哈番阿都堪伯之孫料靈阿多洛弟之子巴拜任

守器子傑劉嗣宣子繼先三等阿達哈、番阿密

習禮子常壽常習布舒淑胡班叔之孫額布痕蓋  
却子噶尔漠蘇雅子蘇赫宜尔賽孫訥敏李虎子  
榮登莽嘉子通加蘇尔却子伍尔杜畢赫内弟畢  
弩法喀兄子阿尔賽敦多子外他庫高先臣叔萬  
良拜他喇布勒哈番兼一拖沙喇哈番譚圖兄子  
巴顏俄齊里弟察渾音達渾子羅敏祖雲龍子光  
璞陳達秦子可俊拜他喇布勒哈番圖世海子滿  
關朱克世圖子永功拖沙喇哈番伍喇泰孫朝世  
希陣歿二等阿達哈，番呂可升子朝良祖伏旺  
元子光齊王茂名子章老病致仕三等阿思哈，

番高奎子拱宸各襲職 三等阿達哈，番庫尔  
納得罪削其本身拜他喇布勒哈番其所襲拜他  
喇布勒哈番以孫巴拜襲職

甲午

諭吏部曰朕愛養諸臣視同一體厚欲其真心為  
國共圖治安是以屢次訓誡常恐尔等胸懷偏私  
陷于罪戾至訓誡不改則愛養之道亦窮因憲具  
存豈能曲貸即如逃人一事累經詳議立法不得  
不嚴昨頒諭旨條極明切若仍執迷違抗偏護漢  
人欲令滿洲困苦謀國不忠莫此為甚朕雖欲宥



之弗能矣茲再行申飭自此諭頒發之日為始凡  
章奏中再有干涉逃人者定置重罪決不輕饒尔  
部即傳諭通知 裁山西操補都司一員宣鎮萬  
全巡捕都司一員大同管屯都司一員  
夜月生暈

乙未

調兵部左侍郎李呈祥為總督倉場戶部左侍郎  
轉刑部右侍郎袁懋功為本部左侍郎 陞都察  
院左副都御史周亮工為戶部右侍郎大理寺卿  
王爾祿為刑部右侍郎 以正紅旗滿洲固山拜

他喇布勒哈番滿罷為甲喇章京 日生暈

丙申

大學士党崇雅以瀕行復辭

上於南苑

上召見賜茶溫語慰勞良久命大學士車克送之

裁陝西、安左肅右所右衛中所中衛岷州衛前  
後二所潼關衛洮州衛左前後三所平涼衛慶陽  
衛靖遠衛左右中後四所固原衛河州衛右中前  
後四所秦州衛後所蘭州衛左右後三所臨洮衛  
右中後三所漢中衛右所及河東所以甘州中護

衛歸併蘭州衛 礼部覆吏部啟心即苗澄轉世  
琦請添教習疏言八固山下應選兼通端漢文義  
者各設一員為師全其教習每三年考核一次如  
果教習子弟有成多蒙任用者即將教師陞遷紀  
錄如不尽心教習子弟以致不堪任用其教師聽  
吏部懲處庶滿漢兼通者足充任用而教習亦各  
知所懲勸矣從之

丁酉

雨黃塵涉 吏部遵諭議在外官員應陞州縣者  
其身言書判無從考察今後凡司府首領州縣佐

貳及教職等官中有堪任上等者該督撫巡方特  
薦臣部覆核無異方陞上等之缺其尋常俸滿有  
荐應陞州縣正官者舊人不論科目新人進士舉  
人俱以中缺陞用其俸滿無荐者舊人及新進士  
舉人並貢士俱以下缺陞用從之

戊戌

以殿試天下貢士命大學士車克額色黑學士葉  
成格能吐石圖子代張長庚麻勒吉鏗泰和徹白  
侍郎蘇納海覺羅額爾德恩國泰覺羅科爾坤郭  
科啟心即對哈納通政使喀愷大理寺卿吳庫礼



克滿洲讀卷官侍讀學士索納木侍讀穆成格克  
蒙古讀卷官大學士金之俊王永吉成克鞏傅以  
漸李士張懸錫胡兆龍梁清寬李爵詹事陳燝尚  
書李際期待郎衛周祚王弘祚李呈祥袁懋功左  
都御史龔鼎孳通政使朱鼎延大理寺少卿霍達  
克漢讀卷官 予大學士馮銓母范氏祭葬如例  
仍加祭二壇

庚子

策誠會試中式滿洲蒙古貢士查親等五十人制  
策曰朕惟衆治天下莫要于綜理政事政事之本

在六部各有專司如得賢才則察案奮庸庶務  
修舉而萬民康濟矣今欲痛改夙弊猶未盡除銓  
法混淆賦稅逋欠士習日頹武備不寔刑獄沉滯  
而虛糜未省此其法未盡善與抑奉行者犹未得  
補偏救弊之要与尔等其抒衷尽言毋劓襲毋緣  
飾朕將親覽焉烏真超哈及漢貢士秦鉞等四百  
四十九人制策曰朕惟古治之隆政教彰明于上  
六府孔修黎民於變四岳九官十二牧協恭和衷  
股肱良而庶事康猗與盛哉朕今夙夜圖治与大  
小臣工講學設政奠登上理而紀綱犹有未振法

度猶有未張賦稅考成非不屢加申飭而官吏之  
耗蠹尚滋盜賊剽撫未盡合乎机宜而小民之安  
枕無日其故何歟揆厥所由良以凡百有位偏私  
難化瞻顧情面者多寔心擔當者少茲欲重新整  
頓大破積習俾各具事慎憲共矢公忠何道而可  
從來有治人無治法豈非人存則政奔而用人為  
理財之本知人尤安民之要與爾諸士懷家修而  
際廷獻其詳切敷陳以真學問為真經濟毋事浮  
襲朕將採擇而施行焉 是日諭內三院曰今科  
殿試較往科更宜虛懷詳慎一秉至公茲命爾等

讀卷務体朕求賢若渴至意各官所讀試卷粘貼  
浮簽止書次第不必書各官姓名以除師生陋習  
其名擬首卷密封進覽九卿等官恐取卷好尚不  
同爾等仍通加詳閱期拔真才用光大典 以鑲  
紅旗宗室巴思翰為滿洲固山額真 以甲喇章  
京沙世梯爾為理藩院侍郎 調兵部右侍郎黃  
徽胤為本部左侍郎 陞宗人府丞丞原毓宗為  
兵部右侍郎通政使司左通政曹溶為都察院左  
副都御史大理寺少卿霍達為本寺卿 調福建  
巡撫佟國器為南贛巡撫南贛巡撫宜永貴為福



建巡撫 初吏科副理事官彭長庚一等精奇尼  
哈番許爾安各上疏稱頌睿王元功請復封號修  
陵寢下議政王貝勒大臣會同斟酌密議具奏至  
是王等議長庚疏內一款我

太宗創業盛京同事諸王俱立功勳惟睿王最為冠  
首即當

太宗上賓之後睿王與諸王貝勒大臣等堅持盟誓  
扶立

皇上鞠躬任事此可信其忠誠者一也查  
太宗創業遴選為首諸王六曹各設一王分猷均量

庶務從無以睿王功勳最大立為冠首此其欺誑  
者一也即

太宗賓天之後兩旗大臣叔和碩鄭親王與睿王及  
諸王等公扶

皇上御極原非睿王獨効忠誠此其欺誑者一也又  
一款迨後奸人煽惑離間骨肉如阿達禮郡王碩  
託貝子私謀擁戴睿王乃執持大義立置典刑史  
書載列照若日星此可信其忠誠者二也查阿達  
禮郡王碩託貝子之罪原非出於睿王之忠誠當  
扶立

皇上御極諸王貝勒通國大臣

天盟誓各効愚忠不意阿達禮碩託不軌謀于禮親王有禮親王差諭睿王而睿王因諭迫切恐累己身是以出首此其懸揣妄言者一也又一款嗣睿王奉命提兵收拾明疆彼時大權在握關內關外威福咸知有睿王一人

皇上冲齡遠在盛京彼若肆然自帝誰能禁之而乃先驅綏定肅整鸞輿恭迎

皇上登御大寶此可信其忠誠者三也查非睿王秉權獨往當我

朝有故之秋不得以有故禁行征討爰命叔和碩鄭親王率兵攻克山海關外中後所前屯衛中前所三城凱旋之後聞得流寇攻陷京師乃公議我國苦戰多年漸底成績豈可任彼坐享緣叔和碩鄭親王先克中後所三城應佐

皇上守國序論應在睿王乃命出辟取北京彼時北京不過一空城耳克城之後遂目無同秉國政之王將金銀彩緞獨專其用更擅推自立為父王國家此際岌岌乎殆矣有何忠誠且北京一城即他王攻取亦勢在必危此其妄援欺誑者又一也又



長庚疏稱當其初薨尚無異議曾經

皇上傳赦天下尊崇過厚不意為時無幾朝論紛起即蒙追奪毀滅過甚查睿王亡後追封情由皆係伊近臣及無義叛臣強為說辭越例過封後睿王近臣蘇克薩哈詹代穆繼倫將伊王私用

御用東珠數珠黃袍等件併不法等情出首審寔始行撤其封號何為朝論紛起毀滅過甚此其欺誑者又一也又長庚疏稱于是時雖愚昧無知或詢之故老或聽之傳聞輒不禁其款馭迷惑細思不得其解但不知其所詢者何人所聞者又是何人

又長庚疏稱彼當身任國事尊稱皇父必有由來我等細思止有專擅國政私費公帑招集人員肆行不法情由並無別情又長庚疏將肅王妃瀆亂一事愆尤莫掩然而功多罪少應存議親訖過之條但睿王將肅王無因戕害收其一妃又將一妃與伊兄英王此罪尚云輕小何罪為大睿王議親是矣肅王又

皇上何人也功大于罪之言明係變亂國法巧引議親情由又長庚疏稱若謂私匿帝服御用等物此更有辨蓋恭進

尚衣御用等物必由彼傳諭織造早晚賞送暫停王  
府情或有之豈可與一切私匿

御用者同例而議為不執也切思進  
上御衣暫停王府情或有之但專做

帝服隨身帶往及至死後有伊寵妃吳兒庫尼將此  
黃袍交与近臣詹代密囑送至柩內不可與人者  
見詹代等首告搜出此又其欺誑者一也又長庚  
疏稱方今

皇上宵旰求寧而水旱相繼似同風雷之警冤抑既  
久公道宜申但水旱相繼既係撤睿王封號之由

而睿王在時果無水旱乎且睿王罪狀豈非  
天報而人報乎又云風雷之警今果又于金滕內見  
有睿王之善行乎此又其妄引之罪一也又長庚  
疏稱伏乞

睿鑒立賜昭雪復其舊封一以彰

太祖之有子

太宗之有弟

皇上開創之有臣且以見

太宗知人之明併以勵諸王作忠之氣幽明交感災  
青可弭成王周公豈得專美于前乎尔求復其舊



封者是更起變亂之辭耳

皇上開基

太祖

太宗更無別子弟止有一睿王乎將置諸王貝勒大臣于何地欲復封背義之人以勵諸王作忠之氣感動幽明消弭災眚不但忠氣之不可作抑且勸倡亂之風矣又長庚疏稱成王周公事蹟比配睿王但查武王繼商而立封周公之子伯禽于本藩特命周公守國攝政而睿王曾奉有

太宗之特命否周公誅管叔放蔡叔于葛林以其殷

武庚叛也而肅王亦曾有叛情乎且睿王圖肅王之元妃又將一妃与伊兄英王而周公曾有此行乎睿王与伊奸黨同謀離間

皇上侍衛勒幸伊家周公又有此行乎睿王以避痘為名將

皇上遠幸邊外西喇塔喇地方且侍衛不足百人不分出痘與否又無兵衛一夏苦楚周公又有此行乎睿王私費帑數百萬金蓋造伊府及伊弟豫王府与英王子勞親房屋以致兵餉有虧給與無用香粉等物抵充月餉周公又有此行乎睿王于

海子內起建避痘處所私動內帑擅差部員苦累  
官工雖

皇上亦未如此止用家內工匠起建周公又有此行  
乎睿王欲離

皇上駐劄永平與伊所屬臣工計議已定周公又有  
聞離之情否睿王擅娶朝鮮國王之族女一女不  
足其欲又娶一女未至而身亡諸王公議令自薊  
州發回周公又有擅娶外藩之事乎

太宗時英王被論公遏必隆等三牛录因論罰出既  
至北京睿王欺忤

皇上擅將前三牛录取還英王下周公又有此欺君  
之事乎又睿王欺忤

皇上將剛林一族何洛會一族巴尔大齊一族于黃  
旗下取入伊旗周公又有此欺忤之事乎又

皇上六近臣曾各盟誓進忠

皇上而睿王逼勒敗盟周公又有此行乎又睿王毀  
壞

太祖

太宗定例于八固山下遴選美女取入伊家周公又  
有此行乎睿王敗亂國體于新服喀爾喀處求取



有夫之婦周公又有此事乎睿王將

朝廷公帑織造江南蘇杭緞匹不入公家匿為已有  
充賞比倖周公又有此事乎此眾目之所易見者  
其餘瑣細敗檢不可勝計當年周公敬承王命上  
合天心矢忠捍政輔佐幼主既至以長歸政成王  
終身曲盡臣道以致永命後成王追封功德進秩  
王爵今睿王既入北京逆

天權政種了不法至

皇上茂齡仍不還政篡形既彰

天厭其惡不終其年此天意也似此罪魁且言功高

尚倖周公請復皇帝之封可乎此輩明指求言故  
為倡亂逆

天悖

上紊亂朝綱煽惑國家情由甚大雖當開言路之時  
難以宥免許爾安疏內情辭與彭長庚無異請勅  
該部將彭長庚許爾安各革職拿問重擬議入得  
旨彭長庚許爾安革職著議政王貝勒大臣會同  
從重擬罪具奏 福建巡撫佟國器獲同安侯鄭  
芝龍與其弟鴻遠子成功交通私書羈其使具疏  
封進下兵部密議 厄魯得部落杜喇爾渾津台

吉上表貢駝馬

辛丑

添設奎儀衛額者庫哈番一員筆帖式哈番六員

壬寅

乾清宮交泰殿坤寧宮乾清門坤寧門暨柱遣官  
祭司工司門之神 三寺鎮國將軍蘇赫卒謚懷  
思 免湖廣鄖陽襄陽府屬州縣衛所十一年寇  
災額賦

癸卯

降補原任兵部右侍郎劉令譽為太僕寺卿 大

學士馮銓以母喪再乞守制不允

甲辰

賜殿滿洲蒙古貢士圖爾臣等五十人烏真超哈  
及漢貢士史大成等四百四十九人進士及第出  
身有差 以故二寺阿思哈、番索爾和弟敖塞  
襲職 兵部尚書張秉貞引疾乞休不允

乙巳

諭吏部曰太子太保內翰林弘文院大學士管吏  
部尚書劉正宗仍以太子太保內翰林弘文院大  
學士兼吏部尚書回院辦事



丙午

賜讀卷執事各官及新進士恩榮宴於禮部 陞  
通政使司右通政高景為宗人府丞

丁未

和碩鄭親王濟爾哈朗等會議續順公沈永忠統  
領重兵保障西南受茲重任不能鼓舞將士堵禦  
逆賊固守地方一聞沅靖武崗失陷遂退回寶慶  
長沙喪師失地貽誤封疆按律當斬但念同伊叔  
志祥投誠功大應免死削籍為民其公爵准與伊  
弟兄承襲從之 初兵科副理官孫蘭疏請委用

鄭芝龍于東南否則令其子弟赴經畧軍前援勦  
工科他赤哈爾番土克善糾其與鄭芝龍合謀  
君詔以孫蘭所奏可疑下和碩鄭親王濟爾哈朗等  
密議王等以孫蘭條奏明為反賊之父芝龍圖求  
出脫論斬籍沒妻子為奴  
上命監候免其籍沒為奴

戊申

賜一甲一名進士圖爾臣史大成袍帽靴襪及諸  
進士折鈔銀兩有差 裁湖廣黎靖鎮偏安慶城  
守寺營及中左二路兵共三千六百名

已酉

一甲一名進士圖爾臣史大成率滿洲蒙古烏真超哈漢諸進士上表謝恩于天安門外 是日

上召見圖爾臣查親索泰史大成戴王綸秦鉞等于南苑各問其年齒旗分牛录籍貫命坐賜茶飯而遣之 議政王貝勒大臣會鞫彭長庚許爾安妄言睿王元功等罪擬長庚立斬家產籍沒妻子為奴爾安亦立斬其父定國投順有功所襲世職應與他子承襲其家產與襲職之子擬入得旨睿王逆

天擅政圖篡種、不法彭長庚許爾安乃敢稱頌元功請溲舊封悖逆紊亂情罪重大本當立斬但係上傳俱許條奏之時姑免死着流徙寧古塔地方彭長庚家產籍沒許爾安父定國投順有功世襲准定國他子承襲家產給與承襲之人 和碩鄭親王等議胡章捏款誣告平南王尚可喜靖南王耿繼茂与誣告凡人不同情罪重大應立絞上以胡章所誣未至死罪乃反坐以死律無正條朕心不忍著免死革職永不叙用

庚戌



諭吏部曰銓政關係重大清直練達須得其人王永吉著加太子太保以內翰林國史院大學士管吏部尚書事 原任山東巡撫降參議候補夏玉坐託疾規避革一拜他喇布勒哈番仍照參議降二級 山西巡撫陳應泰疏報所屬州縣衛所十年開墾民屯荒地共四百八十三頃有奇下戶

部

辛亥

厄魯得部落都喇爾渾津阿里永克三拖因寺貢駝馬宴賞如例 內翰林弘文院編修張應桂應

詔陳言請旌故明兵部侍郎左懋第及寬懋第兄懋泰遣戍罪坐妄言降二級調用 和碩鄭親王寺議李裊輕減逃人之法按律雖無合罪正條然所條設情由甚毒理應處死但係

上傳俱許條奏之時應責四十板流徙寧古塔命免責折贖流徙上陽堡

壬子

諭禮部曰朕惟帝王敷治文教是先臣子致君經術為本自明末擾亂日尋干戈學問之道闕焉未講今天下漸定朕將興文教崇經術以開太平尔

部即傳諭直省學臣訓督士子凡理學道德經濟典故諸書務要研求淹貫博古通今明體則為真儒達用則為良吏果有此等寔學朕必不次簡拔重加任用又念先賢之訓仕優則學仍傳諭內外大小各官政事之暇亦須留心學問俾德業日修識見益廣佐朕右文之治

癸丑

諭內三院曰朕惟自古帝王勤學圖治必舉經筵日講以資啟沃今經筵已定于文華殿成日舉行日講深有裨益刻不容緩爾等即選滿漢詞臣學

問淹博者一員以原銜充日講官侍朕左右以備諮詢仍傳諭禮部速擇開講吉日以聞一厄魯得部落阿巴賴諾顏等貢馬宴賞如例內翰林國史院大學士王永吉疏辭宮保不允允兵部督捕右侍郎梁清遠請假遷葬回籍





